


湖州府誌前編

十一上



漢書門			
九	一〇	八〇	類
一	三	三	函
六	三	架	冊

內閣文庫		
九	一〇	漢
一	三	書
六	三	類

內閣文庫		
番號	漢	9080
冊數	6	(5)
函號	292	65



湖州府誌卷之十

名宦列傳

建官惟百守令親民牧斯良矣民胥慶矣
惠澤流風令聞不已士表吏師光于百禩
志名宦列傳第十六

晉顧祕為吳興太守時逆賊李辰起兵江夏辰
別帥畧有楊州祕與南平內史王矩前秀才
周玘等唱義傳檄州郡以討之武康令賀循
亦令眾為應賊眾皆降一郡悉平子眾亦為

吳興太守

周圯義興人征西將軍處之子爲太守屬寇亂之後百姓饑饉盜賊公行圯甚有威惠百姓敬愛之暮年之間境內寧謐後以功封烏程侯

謝安字安石爲郡守在官無當時譽去後爲人所思嘗開城西官塘人獲其利號謝公塘虞潭會稽人守吳興咸和二年蘇峻反詔以虞潭督三吳等郡諸軍事峻陷建康潭舉郡

兵同吳興內史蔡謨前義興太守顧衆等討峻潭母孫氏戒之曰吾聞忠臣出孝子之門爾當舍生取義勿以吾老爲累乃盡發家僮以助戰資所服環帶以給軍資賊平朝廷知其憂國忠誠拜武昌侯太夫人加金章紫綬陸納字祖言吳郡人少有清操貞厲絕俗以尚書吏部郎出爲吳興太守至郡不受俸祿頃之徵拜左民尚書臨發止襆被而已餘並封還官衛將軍謝安嘗欲詰納納兄子倣怪

納無所備乃私蓄數十人饌安既至納所設
惟茶果而已俶遂陳盛饌珍羞畢具及安去
納杖俶四十云汝不能光益我叔父柰何穢
我素業

孔坦字君平爲吳興內史封晉安男歲饑運
家米以賑窮乏百姓賴之

謝邈字茂度太傅安之猶子爲吳興太守孫
恩之亂爲賊胡桀等所執逼令北面邈厲聲
曰我不得罪天子何北面之有遂遇害

張茂會稽人爲吳興太守值王敦問鼎執正
不移救遣沈光攻城殺之先是茂夢大象以
閭萬推推曰君當典大郡而不能善夫象者
大獸獸者守也象必以齒焚其身茂妻陸氏
吳郡人茂旣被害陸氏乃傾家資率茂部曲
爲先登以討光光敗乃詣闕上書謝茂不克
之責詔褒茂夫妻忠烈並加封爵

庾桓爲吳興太守先是孫恩寇陷會稽吳興
人丘虺與胡桀部驃共殺吳興太守謝邁以

郡應恩謝琰高素討斬之并誅恩所署餘姚
令郡人沈穆夫四年恩再陷會稽殺謝琰時
庾桓繼守吳興恐郡民復從亂殺男女數千
人以安之

孔嚴太和中為郡太守加秩中二千石善于
宰牧餘杭嬖人經年荒賣其子以活夫之子
武康有兄弟二人妻各有孕弟遠行未返遇
荒歲不能兩全棄其子而活弟子嚴並褒薦
之又甄賞才能之士論者美之

名宦祠

廟門左祖晉孔愉顯秘謝安殷康王
義之梁蔡博宋張回胡宿孫覺趙子

隣陳之茂王十朋國朝楚丘談士奇周忱岳
璿勞鉞王珣張津呂盛劉天和萬雲鵬黃樞
蔡佑李願黃功懋孫昌喬朱國藩凡二十八
人舊以歸安令戴顓俞侯劉喬三人並祀祠
中萬曆二年推官張應雷以乖禮制特請當
道改祀歸安學名宦祠

鄉賢祠

廟門右祀晉沈勁南宋沈麟士梁沈
俊唐陸龜蒙宋丘傑葉清臣朱蹕倪

思葛岬李道傳孟宗政劉士英元字文公諒
王簡國朝嚴震甫陸知方謨張寧閔珪陳
恪王濟嚴鳳邵南陸崑陸嵩蔣瑤劉麟凌震
孫濟張永明凡三十人

文昌祠

舊在歸安縣治東南月河坊宋景定
年間建國朝宣德間知府趙登重

修嘉靖間廢隆慶二年師
生倡義移建府學文廟左

敬一亭

尊經閣前嘉靖十年
詔建并列宋儒五箴

學署中為明倫堂後為軒為後堂又後為尊
經閣軒西為教授廡又西為訓導廡一東為
訓導廡三堂東為博文齋為經義齋西為約
禮齋治事齋齋南各有號舍前為儀門又前
為學門

射圃

尊經閣後

祭器庫

明倫堂東射器附

祭器

大銅香爐并座各一
中銅香爐一

大銅花瓶并座
中銅花瓶二

朱序為太守時長城人錢洪聚黨百餘人藏
匿原鄉山序到郡即計擒之

王蘊補郡太守歲荒民饑輒開倉贍恤主簿
執諫請先列表待報蘊曰今百姓嗷嗷待
表須報何以救將死之命專輒之愆罪在太
守于是大發賑貸全活不可勝計朝廷以遺
科免蘊官士庶詣闕訟之特左遷晉陵太守
陶回為太守時年饑穀貴三吳尤甚詔民聽
相鬻賣以拯一時之急回上疏乞賑乏不待

報卽開倉并割府郡軍資數萬斛以救之一境獲全既而詔勅會稽吳郡依回賑恤二郡賴之

孔靖隆安義熙間爲太守先是郡皆言項羽神爲卞山王居郡聽事二千石當避之靖居聽事無害也

賀循字彥先山陰人爲武康令俗多厚葬及停喪不葬者循皆禁焉政教大行鄰邑宗之然無援于朝人不進序顧榮陸機輩上疏薦

之召補太子舍人

朱齡石沛人令武康邑人姚繼祖劫掠郡縣時不能討齡石至佯與之厚召爲參軍因獲斬之一郡復安

袁猷字申甫陳郡陽夏人環弟也少與兄瓌齊名代環爲呂令復相繼爲江都令由是俱渡江瓌爲丹陽猷爲武康令兄弟俱宰名邑論者美之

宋褚淵元徽二年爲吳興太守王仲寶作淵碑

銘云丹陽京輔遠近攸則吳興襟帶實惟股肱頻作二守竝加蟬冕政以禮成民是以息張永泰始初爲吳興太守甚有政績敦請逸士沈麟士入郡麟士不至待以殊禮顧况廳壁記云鴻名大德在宋則謝莊張永虞玩之字茂瑤會稽餘姚人少閑刀筆汎涉書史仕爲烏程令路太后外親朱仁彌犯罪玩之依法按正太后怨訴孝武免官

江秉之字玄叔濟陽考城人宋少帝時爲烏

程令以善政著名

袁昂陽夏人永元末爲吳興太守梁武帝起兵州郡望風皆降昂獨拒境武帝手書諭之曰根本旣傾枝葉安附今竭力昏主未足爲忠家門屠滅非所謂孝豈若翻然改圖自招多福昂答書曰三吳內地非用兵之所况以偏隅一郡何能爲從竊以一飡微施尚復投殞况食人之祿而頓忘一旦非惟物議不可亦恐明公鄙之及建康平昂舉哀慟哭梁使

豫州刺史李元禮巡撫東土敕曰袁昂道素之門世有忠節天下須共容之勿以兵威臨辱元禮至吳興宣旨昂亦不請降但開門撤備而已論者義之

張瓌字祖逸吳郡人建元初改封平都侯及爲吳興太守瓌以既有國秩不取郡俸高帝勅上庫別藏其俸以表其清
李安人蘭陵人也少有大志武帝時爲太守於家載米往郡人服其清

徐孝嗣以御史中丞出爲太守王儉贈詩曰方軌叔度追清彥輔柔亦不茹剛亦不吐時人以比蔡子尼

王敬則建元二年爲郡守郡多剽掠錄得一

見召其親屬于前鞭之令偷身長掃街路久之乃命偷舉舊偷以自代諸偷恐皆逃去
境內以寧

孔琇之有吏能先爲監郡尋拜太守政稱清嚴

何敬叔爲長城令在縣清廉不受禮遺午節至忽榜門受餉數日得米三千斛他物稱是悉以代貧民輸租

王瑩歷東陽太守以居郡有惠政遷吳興太守齊明帝憂勤庶政瑩頻處二郡皆有能名丘寂之字德玄烏程人年七十爲州西曹兼直主簿刺史王彧行夜還前驅已至而寂之不肯開門曰不奉墨旨彧方於車中爲教然後開彧嘆曰不意郅君章近在閣下卽轉爲

主簿後在故鄣專以廉潔御下于是丹徒令沈曠之以清廉抵罪寂之聞之曰清吏真不可爲也政當在季孟之間

范岫字悉賓考城人學問該博進止以禮居官恒以廉潔著稱爲長城令有梓材巾箱經數十年經貴遂不改易在晉陵惟作牙管筆一雙猶以爲費所著文集禮論雜儀字訓行於世

梁謝覽爲太守時中書舍人王睦之家居烏程

子弟專橫前守皆抗節事之覽未到郡睦之
第迎覽覽逐去其船杖吏爲通者自是睦之
家杜門不出初郡境多劫盜爲東道患覽下
車肅然盜皆息不劫盜爲東道患覽下
柳暉字文暢河東解人少有志行好學善尺
牘天監中再爲郡守爲政清靜吏民懷之于
郡感疾自陳解任拜表請留者千餘人
張稷字公喬吳縣人武帝時爲郡太守下車
存問遺老引其子孫置之右職政稱寬恕

蔡樽字景節陳留人爲郡太守在官惟飲郡
井齋前自種紫茄白苧以爲常餌詔褒其清
加信武將軍天監九年宣城郡吏吳承伯挾
妖聚衆轉寇吳興樽命衆出戰摧破餘黨悉
平

張纘大通中爲郡太守居郡省煩苛務清靜
人吏便之

夏侯亶梁天監中遷太守在郡有惠政吏人
圖其像立碑頌美

張曠字四山稷之子少敦孝行爲郡太守侯
景園建鄴遣弟伊率郡兵赴援城陷御史中
丞沈浚遄難東歸曠往見之謂曰賊臣憑陵
正人臣効命之日今欲收集兵亦保據貴鄉
雖復萬死誠亦無恨浚因勸曠舉義兵時邵
陵王綸東奔至錢唐聞之遣前舍人陸丘公
板授曠征東將軍曠曰天子蒙塵今日何情
復受榮號留板而已賊行臺劉神茂攻破義
興遣使說曠曠斬其使仍遣軍破神茂景復

遣兵助神茂擊曠曠軍敗乃釋戎服坐于聽
事賊臨以刃終不屈執以送景景將舍之曠
曰速死爲幸乃殺之一門遇害賊平元帝追
贈侍中中衛將軍開府儀同三司謚忠貞
何遠字義方東海人爲武康令厯廉節除滎
祀正身率職人甚稱之太守王彬巡屬縣諸
縣皆盛供帳以待遠獨糗水而已彬去遠送
至境進斗酒隻鷺而別彬戲曰卿禮有過陸
納將不爲古人所嘆乎武帝聞其能擢爲宣

海州府志 卷之十
城太守遠處職疾強富如仇雙視貧細如子弟爲豪右所畏憚

褚澧字士洋由曲阿令歷烏程令兄遊亡卽棄縣還爲太尉屬澧之爲縣清慎可紀好學解音律重賓客

到仲舉字德言到彥之之孫洽之子也仕爲長城令政號廉平陳文帝居鄉里嘗詣仲舉時天陰雨仲舉獨坐齋內聞城外有簫鼓聲俄而帝至仲舉異之乃深自結帝又嘗飲夜

宿仲舉帳中忽有神光五彩照于室內由是祇事益恭及侯景平文帝爲吳興太守以仲舉爲郡丞有能聲

陳周文育字景德陽羨人以材武事陳武帝盪寇除克其功居多及破徐嗣徽蕭勃功成授開府儀同三司歸除吳興太守子寶安字安仁折節讀書馭文育士卒甚有威惠文帝深器重之及平王琳有功重拜吳興太守襲封壽昌縣公子碧嗣

湖州府志 卷之十一
唐顧道衍字正平野王之孫開元中舉進士又
登文學優贍科仕爲湖州司功參軍廉平惠
愛獄簡訟息民稱焉後棄官歸吳築室奉母
年七十卒

蕭定永泰中爲郡刺史大曆中治最與當州
蕭復濠州張鎰爲天下第一其勸農桑均賦
稅勞來流逋在鎰復右

顏真卿字清臣大曆中爲郡刺史辟李萇爲
防禦副使權器楊昱爲判官公之刺湖州以

墾草闢田之務委之萇頌簿詞政之務委之
器昱等境內晏然又招致名儒高士客七十
餘人相與考羣書成韻海鏡源五伯卷在郡
累年德政治于千里爲湖刺史千古第一人
于頔字允元貞元中自駕部郎中出爲湖州
刺史郡有湖陂舊可溉田三千頃久廢淤廢
塞頔修復隄岸歲獲杭稻蒲魚無慮萬計郡
地庫薄葬者不掩柩頔爲坎瘞其枯骨
辛祕元和中爲湖刺史李錡反遣將先取支

郡蕪常杭睦四州刺史咸戰敗或爲拘脅祕
召將夜開門收壯士數百人逆賊大戰斬其
將進焚營堡郡境獲安錡平賜金紫

令狐綯字子直太中時爲湖刺史有惠政

杜牧字牧之大中時爲湖刺史公退之暇登
臨賦咏惠利及民多有遺愛

李適之始名昌恒山愍王孫也爲湖州別駕
喜賓客飲酒至斗餘不亂夜宴娛晝決事案
無留辭在郡嘗攜友登峴山宴飲山頂石上

有坎至今人稱李相石罇

韋承慶字延休鄭州人儀鳳中由太子諭善
出爲烏程縣令政化流行民爲刻石頌其德
慶澄廣德中爲武康德清二縣令于寇亂之
後瓦礫荆棘之場創制屋宇安輯人民政績
大著

獨孤及洛陽人太和初爲武康令有惠政嘗
作亭于縣西北山中以時游憇後人思其澤
名其山曰獨孤山

李師悅廣明中黃巢倡亂犯闕翠華有西南之幸梁鄭周秦之甲閣手無敵甲辰年師悅以彭門之師擒巢于萊蕪傳首成都明年春帝始還宮悅遂以工部尚書守吳興後帝念其功詔加防禦使始開幕延賓增吏拓制度以節鎮行事于是召烏程令余蟾于開散拔錄事叅軍許鏞于曹椽後薨于郡治

宋戴顓天聖四年以太常博士知歸安縣縣有崇禮萬歲二鄉人多潭居罕務力稽恣行不

義公喻以禮法民遂革其舊染而務于農後召還二鄉之民立祠于射村永興寺

滕宗諒寶元中知湖州始至問民疾苦考視風俗尤屬意學校未閱月即表請于朝創新學舍延安定先生主其教風俗寢厚邦人德之置祠于學歲時奉祀

胡瑗字翼之如臯人讀書泰山攻苦食淡年四十餘累試不第范文正公薦之以白衣對崇政殿授校書郎改湖州教授置經義齋治

湖州府志 卷之十一
事齋以倡明體用之學東南文學之盛自公
興起慶曆中爲太學嘉祐中爲侍講時有四
真之目富公真宰相包公真御史中丞永叔
真學士翼之真先生

林槩寶元中爲長興令時邑人未知學槩爲
闢庠舍選生徒躬自訓誨日出視政日昃詣
學由是邑人登第者接踵

胡宿字武平晉陵人知湖州前守滕公適當
安定先生教授乃大興學校費錢數萬未訖

工而公去羣小沸然謗公用錢有不明者自
通判以下不肯書其籍胡公于坐折之曰君
佐滕侯幾時矣假滕公之謀有不臧何不早
告乃陰拱以觀其去而非之豈古人分謗之
意一坐大慙築石塘數里以疏湖水之患既
去州人思之名曰胡公塘

張田嘉祐中以屯田員外郎知州事性剛直
吏人畏服凡有興作必躬率董成立顏魯公
祠及倉庫橋梁多所修建在任二年移知廬

州

孫覺字莘老高郵人熙寧中知州事始至適大水人民饑饉相率亡去公賑以倉廩躬自撫循富家率出穀以佐官所活不可勝計嘗築石堤以禦湖水隄下化爲良田民甚德之又于公暇輯前人賦咏數百篇爲吳興詩集境內石刻傳什斷缺于荒陂野草之中者皆輦致聚于墨妙亭

蘇軾字子瞻眉山人與父洵弟轍齊名元豐

中知州事其到任謝表云魚鳥之性旣自得于江湖吳越之人亦安臣之教令又云知其愚不識時難以追陪新進察其老不生事或能牧養小民表進言者以爲謗在任甫三月中使皇甫遵到湖追攝赴獄一子稍長徒步相隨其餘守舍皆婦女幼穉至宿州御史符下取書于家州郡望風遣吏發卒圍船搜取老幼俱幾怖死婦女恚曰是好著書書成何所得而悸我至此多取焚之繫御史獄郡人

懷其德作解厄道場者彌月
陳瓘字瑩中沙縣人元豐二年進士第三爲
郡掌書記徽宗朝自正言遷司諫數言時事
天下想其風采卒謚曰忠肅
文同字與可梓潼人自號笑笑先生舉進士
遷太常博士集賢校理使知湖州同方口秀
眉超韻高潔以文學知名尤善書又善寫竹
世稱爲文湖州人亦以文名
滕元發光祿受印神宗以議政與荆公不合

遂出爲帥又以妻黨李逢事謫知池安許見
至國門又中飛語謫知筠州是時艤舟國東
普照寺陳表自辯神宗大悅以公知湖州乃
公所乞也是時林子中作禮部員外郎與公
婿何洵直邦美同曹聞公得湖以詩賀曰清
風樓下兩溪春三十餘年一夢新欲識玉皇
香案吏水晶宮裏謫仙人益公初第卽倅湖
州距是三十年矣

毛滂字澤民元符二年爲武康令慈愛惠下

湖州府志 卷之十一
吏民悅服公暇尋訪山水發諸文章東坡稱其文章典麗可備著述

葛勝仲建炎中知州事時金人蹂江浙盜賊蜂起劇賊邵青欲道江入湖公大脩城郭教閱士卒賊望風引去是歲大饑斗米踰千錢餓殍相枕公大發倉廩又輸已粟數百斛以賑之民賴全活

趙十嶙建炎中知州事時虜人南侵所過輒下或空城去之公獨率將士戮力乘城人皆感勵願以死守或謂賊浮舟而來乃厚募人沒水以鑿賊艦誅巨木沉破舟以絕間道事甫定遽罷去邦人攀戀涕泣御史陳其事詔還郡人立祠于顏魯公堂東偏

汪藻字彥章饒州德興人紹興間知州事多著政績民懷其惠

陳與義字去非洛陽人紹興間再任知州事在郡有聲及叅大政王明德稱其氣節文章爲中興大臣之冠後卒于郡葬歸安之上彊

山

陳之茂紹興間知州事凡有徭役未嘗遣吏獨揭片紙于譙門之下雖外縣鎮莫敢違慢時虜人入寇公修城郭治器械聚糧食東南士大夫多挈家依之

王十朋字龜齡紹興間廷試第一軋道中知州事崇儒重道以教化爲先郡有貢院廢弛已从公出俸資率州之士大夫助錢重建不歛于民不費于官貢院郡學皆立生祠尤能

禁戢強橫撫卹小民及去任百姓攀戀多垂泣者

趙嶠三衢人清獻公猶子也宣和初爲德清縣令時清溪盜起邑人駭走嶠獨留縣發倉招集貧民團聚保甲賊自嘉禾犯境嶠邀擊之擒其將二人獲賊徒二百餘人器械千餘諸縣賴之以安邑人立生祠于軋元寺

俞俟字居易郡人也尚之孫爲歸安縣令邛人多難之乃預定規模處之以公後有治弊

人稱爲吏師

陳吉老爲長城令宣和中方寇變人情洶洶縣境有竊發者千餘人公整卒伍攻之手誅十餘人縣復安堵

余端禮字處恭孝宗時知烏程決事風生庭寂如水太湖嚴三州有口笑錢曰丁絹臨安之民口笑錢曰身丁民不能堪公請與復三年

程九萬淳熙間爲武康令下車首訪儒雅設

施有度邑有頑民與奸吏盜占縣治地公繩之以法縣內肅然公餘尤喜吟咏所著有松桂林集

楊長孺字伯子誠齋長子嘉定間守湖州彈壓豪貴牧養小民治聲赫然冠蓋之士相與尙像祠于學宮與工部尚書戴少望竝列伯子意不悅會除浙東提舉將行辭先聖禮畢坐講堂命取兩祠像題云面有憂民色天知報國心三年風雨意兩鬢雪霜深更莫留形

迹何曾廢古今不如隨我去相伴老山林遂
卷而行守吳興時毋夫人羅氏于郡齋種芋
躬緝爲衣時年八十餘矣公分月俸以奉夫
人忽小疾後出所積券曰此長物也今宜悉
以謝醫則吾無事矣
蔣良貴簽判安吉州時水災後修城郡守趙
希觀屬良貴作記內用浩浩字希觀因時相
史彌遠父諱浩欲改之良貴不可曰以宗室
而避宰相父名此非藝祖皇帝所望于金支

玉葉也聞者壯之

趙與權紹定六年任時權醋禁嚴與權首捐
以與民設銅鈺懸門欲愬者擊之寃無不直
有婺媪二子告以不孝留之郡廳日給饌俾
親饋未周月毋子如初

趙良淳餘于人宋末爲郡守時國祚已危百
事皆廢公在郡修城池繕器械積糧食課民
耕桑教忠與孝郡人賴焉未幾元兵大至公
厲衆固守爲部將開門納外兵公知不可爲

遂與其妻雍氏同縊死

元于文傳字壽道吳門人延祐乙卯進士天曆間遷烏程尹安定先生墓在何山寺僧據其地有司累與之爭莫能得公曰太府始復丹徒縣民周有毋女二子而二子共殺其女獄久不決浙西憲司命公往鞠之公悉得其情周有毋乞貸二子命以養其老公論其首從以爲首者當殺姊罪從者免死憲司如公言人稱其明允公以均賦役爲先催科迫逮信

立程限民不敢違村落之間不識吏胥之叫號後遷禮部尚書

虞志道字彥高無錫人以茂異起爲校官其學務在明體適用文章必本于理教授湖學受知于趙承旨踐履篤實後學師尊之所著有雲陽集

韓約知長興州邑有豪俠奪人妻女遇物有可愛者輒強之前此以爲蒙古人無如之何約聞之令被害者訟之卽舉正其罪其他善

政尤多民爲立去思碑
 完澤溥化南陽人泰定間爲歸安縣丞首出
 已俸創立縣學士論美之
 何貞立長沙人至元中爲府推官綽有政績
 宋文懿真定人至元中爲烏程縣丞首建學
 校以厲風俗邑人仰慕
 火魯忽達至正中爲長興達魯花赤建新學
 校敦尚禮法爲政有惠澤邑人稱爲賢令
 魏信爲歸安令溥聞強記終日端坐如神人

莫敢干以私者時定浙西坊里之役信以田
 爲率貧富均一民懷其惠
 郭普頴爲歸安主簿有美政及滿代民立去
 思碑
 沈夢麟郡人至正間爲武康縣尹不尚刑罰
 而吏民畏服至今尤稱之
 明楚岳襄陽人洪武初爲知府恩威並著百姓
 感化尤善書郡中扁額都其手筆
 談士奇長沙人洪武十年爲知府雅意作人



士民並戴稱為賢守

危止字公定江西人洪武初知烏程仁愛多

惠政洪武二年卒于官

何淵字澄仕河南人洪武初知歸安廉介不

受餽遺為人所嫉以事誣繫獄邑民沈勝宗

嘆曰廉吏受誣可坐視乎乃陳其寃請以身

代詔釋復其官

張桂順德府沙河人洪武初知安吉守廉性

儉不施刑而民吏畏服事親甚孝官俸悉以

養親自奉若寒士

蘇從善當塗人知長興明師下長興從善內

屯重戍外抗強敵闢田邑集戶口漸至生息

為他邑冠

劉成靈璧人洪武初為長興翼右副元帥驍

勇敢戰寇不敢犯中流矢死其肖像祀之

張居敬保定人洪武初知武康公正廉平吏

民畏服學校壇宇靡不修治

吳率正金谿人洪武中知武康興學課農百

事具舉嘗被誣逮繫邑人楊富七等具政績
赴闕陳寃疏上命頒布天下以勵廉能

童冀金華人洪武初爲府學教授躬行化導
一時推重博學多識尤擅長古文詞

張敏河南人爲長興丞廉潔無私爲民興利
除害任滿將去父老板轅不得乃脫一靴置
縣樓以表其清

姚謨錢塘人洪武中訓導府學博學謹行文
章詩翰各臻其妙

張士良博平人洪武中知安吉敦尚氣節事
集而不擾遺惠在民久而不墜

馬文敬重慶人洪武中知安吉誠心愛民築
圩濬渠至今賴之

陳紀南昌人永樂中爲推官性廉介厚重有
威吏民不敢欺讞獄明允號爲神君

鶴祿松江人永樂訓導歸安學問淵博善于
啓迪得人爲盛

劉敬蘇州人永樂中知德清勸民耕種教以

禮義至今人能頌之

趙登字從善汴梁人宣德間爲知府性鯁直言不苟發吏民畏服安吉有費氏者豪橫專恣占人子女田宅官不能制登列其罪以聞詔遷其家散所占人口田產還民間郡中肅然奸宄屏跡在任十七年

岳璿字文璣大梁人天順間爲知府撫御以寬允博學善詞令先是郡邑田賦科額不一吏民負緣爲奸璿疏利病于朝定正耗之科永著爲令在任九年民懷其惠

師賓天順六年以胄監知德清明敏有爲凡歷九載訟平政理每公餘坐梅花堂鳴琴自適或夜分不休其慕尚古雅如此

劉喬字憲述萬安人成化初知歸安政尚寬平每郊行勸農桑詢利病諄諄以禮義教民斥浮圖抑豪滑邑人至今頌之

陳貞永平人爲歸安丞剛直廉介門無私謁自六甚薄布衣蔬食而已遇奸猾必底于法

吏民畏之

陳頤字永之蘇州人成化間為府學訓導博覽書史敦厚風化士林重之郡志其手輯也勞鉞字廷器九江人成化八年知府事勤慎鯁介政多愷悌學校祠宇無不鼎新

陳景隆字茂之長樂人成化中知武康調德清材識通敏政平訟理擢監察御史

歐陽復衡州人成化間知武康以能稱境內有虎患禱于神日獵五虎民患以除

王珣曹縣人成化間知府事興利釐弊奏置孝豐縣士民為立去思碑

鄭昌舒城人成化初知安吉歲運白糧民以為苦昌疏請除之

王良臣字汝鄰陳州人弘治中知德清果確廉明每訟者盈庭一言而決崇文教表名賢興廢舉滯百度維新

楊達堂邑人弘治初知孝豐時縣治初創百務綜理皆達之功

梁材字大用南京人弘治中知德清清慎剛
介寔意爲民凡編役必手書發案必親裁去
任之日行李蕭然

徐浚貴溪人弘治中知長興勤敏精察不畏
強禦重修學校廸士有方

呂盛建平人正德中知府事湯許之亂親詣
賊壘譬曉禍福賊衆感悟環拜就縛士民爲
立生祠

陳善弋陽人正德間知安吉州其爲政以不好

搏擊而事不廢有古循吏風

方鐸合肥人正德中知武康有廉聲祀名宦
劉天和麻城人正德中知府事莊重清明嘗
疏定官民兩則以便徵輸祀名宦

桂萼字子寔安仁人正德中知武康縣重禮
教崇節儉公餘則單車適野問民疾苦日進
諸生講說務在寔踐慨然有志三代之治

郭治字昌修太和人正德中知孝豐清修苦
節期年之間文教聿興井邑改觀

齊之鸞字瑞卿桐城人由給事中左遷嘉靖
初陞任長興知縣扶善鋤惡遇事敢爲爬剔
規畫悉有條理

萬雲鵬鹽城人嘉靖初知府事公勤明潔久
猶見思祀名宦

蔡昂淮安人由翰林左遷府判勸學崇文俄
召還翰林

劉迥安東人嘉靖初知歸安縣湖民典錢穀
者多侵廢迥立法剗弊至今守之

戚賢字秀夫全椒人嘉靖初知歸安警敏有
爲政務畢舉

劉塾字汝學鄱陽人嘉靖中知歸安清心寡
欲民鮮爭訟公餘惟誅詩讀書以自適其雅
致如此

廖梯莆田人嘉靖中由湖廣參議謫知安吉
其爲政不近名憂民省費清苦自持

黃光昇字明舉晉江人嘉靖中知長興勤恤
民隱崇獎士類諸所興革允洽輿情嘗修邑

誌

陶廉字敬甫由靖人嘉靖間知德清弛戒布德民翕然委心又能以清儉自持嘗籍廢寺田四百畝給諸生廩修楊灣塘以資灌溉他善政多類此

趙應祥長沙人嘉靖間爲推官器宇方介剖決精明尋遷監察御史

張烜字仲熙慶遠人嘉靖中知歸安老成練達平易近民尤加意學校士類傾服

楊上林字子漸山陽人嘉靖中知長興其爲政不規規于簿書條貫文章器局風動一時徐洛許州人嘉靖中知府事倭寇之亂不震不動民恃以安

浦南金常熟人嘉靖中司教歸安博古多聞輯湖州府誌典雅詳核與宋談誌並稱

秦禾無錫人嘉靖中知武康任有遺愛
仝祉睢寧人嘉靖中任通判任有惠政尋改判饒州士民爲立去思碑

張懋嘉定人嘉靖中知孝豐居官清慎平易
近民有去思碑

歸有光崑山人嘉靖間知長興吏治有聲尤
以文章名世

黃樞南昌人隆慶初知府事廉明有聲四年
卒于官祀名宦

孫純鳳陽人隆慶初知孝豐肫肫愛民苦節
自守民頌之不衰

栗祁夏津人隆慶間知府事明察有爲吏民
畏愛至今人能頌之

張應雷金谿人隆慶間任推官明察著稱立
明理刑館題名石自爲記善書法所至多題
額餘墨猶存

知府李公頤餘衍人進士萬曆年任雄才鏗
利厚德山寧祠宇無賢不輯道采是處維新
知府黃公功懋閩縣人宅心忠厚蒞事端詳
先任嚴州後遷湖郡萬民望月桐江起何武
之思三虎低頭若水墮羊公之淚

浙江提學道副使前湖州府學教授孫公昌
喬閩縣人萬曆庚戌進士理擅儒宗才稱傑
出講學茗溪聞先賢之鴻寶分闡魯國選多
士之驍標督權捐資助餉治杭釐弊懲奸衡
文嚴試拔雋尤多蒸嘗無忝祀典攸宜

朱國藩江西大庾人崇禎間判糧廳郡向有
白糧民運每爲積蠹棍徒引戶奄寺所侵勒
累歲逋負官叅民斃公三部斯運皆遭凶歲
寇阨兵阻守凍備嘗辛瘁公廉明釐剔特疏

陳弊諸奸歛手糧微虧額公爲民稱貸代輸
晉郡丞清盜安良民絕寃抑攝郡縣築城措
餉捐俸備圉在在皆頌神君至

鼎革之初公且去湖人皆號泣遮留公公於是
從萬死一生中爲民請命至今安堵郡人感
公再造之德歌曰茗之水清以滴翁與爲殖
殖耶而搢其泥弁之巒截以屣翁與爲漸漸
耶而枕其夷蒞湖凡十三年壽七十卒祀名

宦

寓賢列傳

士之離桑梓背丘隴棄故土而就異邦豈
人情也哉初安浮海居遼逸少去齊居越
亦各有所適焉爾山水清遠能使羈客忘
歸觀此益信誌寓賢第十七

錢林徐州人漢建平中為諫議大夫王莽專政
棄官隱于吳興之平望鄉其後子孫繁衍仕
宦遂為郡之著姓

吳羗不知何郡人漢平帝時隱居耕作與世無

慕王莽居攝羗攜妻子隱于吳門徙烏程之餘不鄉樂其山水遂終老焉後人名所居山曰吳羗山吳興之平望城其地于烏程之丘後漢平帝時持節安撫江南屬王莽篡位因留居烏程後其子丘騰隨光武起義南陽累仕至大司馬卒葬于烏程

沈戎初爲九江從事後徙居餘不鄉其後子孫之盛見于史傳者一百五十八人三十八人有正傳餘皆附見宋梁陳間皇后三人尚主者五人仕宦之多至今爲吳興之冠

陳達漢太丘長六世孫永嘉中爲長城令悅其山水遂家焉陳霸先其七世孫也

庾翼汲郡人仕晉爲蘭陵令舊節將軍隨元帝過江爲吳興郡丞因居烏程翼生豫章太守鎮鎮生化虜司馬建武將軍欽信欽信生宋晉熙王兵曹參軍黯黯生南臺御史高高齊驃騎大將軍孟真孟真生梁散騎侍郎僧朗僧朗生陳五兵尚書給事宗

何獻渡江居吳興生子楷字克準爲吳興太守
曾孫何子平見宋書

裴子野字幾原河東人少好學善屬文仕齊爲
江夏王行參軍遭父憂去職後爲諸暨令以
曾祖松之嘗令故部遂留居焉撰宋畧二十
卷

張志和字子同金華人唐肅宗慕其高尚命侍
詔翰林後出爲南海尉遂放浪江河與陸羽
往還因托迹吳興自號剡波釣徒又號玄直
子其兄松齡懼其不返也和其漁父詞云樂
在風波釣是閒艸堂松徑已勝攀太湖水洞
庭山狂風浪起且須還又兄鶴齡恐其遁世
爲築室越州東郭所著玄真子及大易十五
篇其卦三百六十五後獻宗圖其像求之不
可得李德裕稱志和隱而有名顯而無事不
窮不達嚴光之比

陸羽字鴻漸復州人上元初隱苕溪自號桑苎
翁又號竟陵子闔門著書嘗獨行野中誦詩

滑州府志 卷之十
擊木徘徊不得意或慟哭而歸時人擬之接
輿羽嗜茶著茶經三篇

吳筠華陰人舉進士不第學道嵩山玄宗嘗召
見甚悅之後知天下將亂東入吳興卜居青
山工于詩與僧皎然相唱和

崔元亮磁州昭義人元和中爲吳興刺史因家
于長興縣西之崔灣

顧雲字垂象池州人風韻詳整與杜荀鶴殷文
珪友善同肄業九華咸通中登第爲高駢淮

南從事師度之亂退居雲州杜門著書後寧
相奏雲與盧知猷陸希聲錢翊韓渥司空圖
等分修宣懿德三朝實錄書成加虞部員外
郎

僧清書字皎然謝靈運十世孫寓居杼山禪院
與刺史顏真卿諸名士酌倡同撰韻海鏡源
唐室緇流中以詩名者皎然爲冠

陸龜蒙字魯望吳江人少高放通六經太義尤
明春秋每乘小舟設蓬蓆齋束書筆牀釣具

往來江湖間自稱江湖散人性嗜茶嘗置園
顧渚山歲取茶租自判品第舉拜左拾遺不
就而卒著吳興實錄笠澤叢書松陵集

蕭德藻字東夫三山人嘗宰烏程遂家焉所居
在弁山有千巖競秀因自號千岩老人有千
岩集行于世楊誠齋序曰近世詩人若范石
湖之清新尤梁溪之平淡陸放翁之敷腴蕭
千岩之工緻皆予所畏也

姜夔字堯章番陽人少從父宦遊古沔女湏因
嫁焉千岩老人在沔與堯章相得遂攜過茗
雪以兄之女妻之堯章遂家武康自號白石
道人往來吳門與范石湖厚善堯章長于聲
律嘗著大樂議欲正廟樂慶元三年詔付奉
常有司收掌并令太常寺與議大樂時嫉其
能盡識其器有司遂以爲器尚不知安可議
樂是以不獲盡其所議人大惜之

葉逵縉雲人仕吳越刑部侍郎夫人封永安郡
太君羊氏葬湖州之弁山遂爲烏程人六世

孫夢得仕宋叅知政事夢得父名助字天佑
爲睦州建德尉母晁氏

何彥猷高唐人紹興中爲大理丞時秦檜誣岳
飛下獄彥猷與同寅李若樸論其無罪宜從
輕貸于是言者論二丞撓法異議卽日罷黜
寓居德清餘不溪上檜死高宗欲召用而彥
猷已下世矣孝宗卽位追贈二階特命其子
伯臨爲徽州文學

蔡洸仙遊人端明殿學士襄之後徙居霅川以
父蔭補將仕郎中科除大理評事遷寺丞出
知鎮江府曾西溪卒移屯建康舳舻相銜時
久旱郡民築陂瀦水灌溉漕司檄郡決之父
老泣訴洸曰吾不忍獲罪百姓也卒不決已
而大雨漕通歲亦大熟民歌之曰我瀦我水
以灌以漑俾我不奪蔡公是賴就除司農少
卿言鎮江三邑稅戶客戶輸丁各具請爲一
體所輸丁絹依和買之直計筭折納官自買
絹起發公私皆便上嘉納洸以曾祖褒未易

名力請于朝賜謚忠惠

張嶠襄陽人登第來居武康上栢里官至敷文閣待制有紫薇集行于世

章援政和間知湖州遂寓居長興其孫淵字伯深

方淑祥符人進士紹興初爲丞德清愛其溪山之勝遂留家焉歷官翰林學士時秦檜當國訪以時事大忤檜意遂罷歸淑洞曉音律嘗著切字一卷行世

劉光祖西蜀人紹熙進士爲殿中侍御史上書極論朋黨僞學之禁言甚剴切寧宗卽位坐留朱熹罷起居郎主管玉虛觀慶元三年言官劾其阻逆蓄憤放棄房州嘉泰二年黨禁弛詔復職自便歷官顯謨閣學士以蜀遠不歸寓居于德清之新市卒謚文節

吳潛溧水人登第後寓居德清之新市按溧水志云吳柔勝淳熙八年進士仕至秘閣修撰生四子源泳潛淵登嘉定七年進士潛後三

年及第二公俱入溧水鄉賢祠潛兄弟俱葬
德清縣北之張家山

鄭如幾字惟心大末人徙居德清之龜溪從葉
石林諸名公遊以陳壽三國志紀載無法乃
作魏春秋仍以魏紹漢統張無垢九成與相
善移書難之復書曰僕不能趨時媚世守所
學至于窮且老因刊正三國之書以度餘日
辱賜教疑其子操而黜備衰病居山無緣面
究欲置不報恐閣下終疑不解敢申其說商

系夏周系商秦系周漢系秦魏系漢晉系魏
綿綿系而不絕者謂之統若以魏篡取黜不
使系漢則統其絕矣春秋列國之君雖篡殺
而取者皆得承其統聖人不沒其實所以著
其罪也司馬遷作史記畧準春秋至秦項呂
氏皆列之本紀非予之也法應然也

李道傳西蜀人徙居吳興少莊重稍長讀河南
程氏遺書玩索至忘寢食慶元元年登進士
第累官著作郎提舉常平茶鹽公事居官以

踐履爲本爲學以踐履爲功雖處暗室整襟危坐肅如也卒謚文節

周密字公謹人其祖少傳公卽僑居郡城

天聖寺側至公謹卽寘業弁山號弁陽老人所著有齊東野語及癸辛雜志等書

陳振字文舉杞縣人宋南渡居錢塘父益中爲

餘杭簿振讀書實踐年二十以詩經舉爲蘇

州文學掾元未避兵弁山家焉子胤爲古田

教諭胤子敏政中進士官至南康知府

高斯得邛州人紹定己丑進士授利州觀察院

推官李心傳方脩四朝史辟爲史館校勘剛

果有氣節嘗論劾宰相史篤之左遷後累官

至端明殿學士寓居吳興卒塋烏程棲賢山

牟子才井研人嘉定進士累官權工部侍郎時

丁大全與董宋臣表裏濁亂朝政子才累疏

辭歸以御史誣劾罷官居吳興四壁蕭然人

服其清卒贈光祿大夫仁壽縣開國伯謚清

忠平生著述最夥子嚙大理少卿

方勺嚴瀨人慕張志和高踪乃于志和浮家泊
宅之所買田築室自稱泊宅翁有泊宅編十

卷

游侶南光人孝宗朝進士淳熙五年入相持論
甚正上問唐太宗貞觀治效對以人主一念
之烈足以旋軋轉坤及親儒從諫敬天檢身
等語上嘉納之累疏乞歸御書事君以忠視
民如傷行已有恥遯世無悶十六字以賜且
慰留之歷階廣平郡公右丞相銀青光祿大

夫兼樞密使七年致仕歸儻居于德清之新
市遂占籍焉卒謚清獻

文及翁綿州人徙居吳興累官資政殿學士景
定間言公田事有名朝野宋亡元世祖累徵
不起


貢師泰宣城人移家烏程之三碑鄉泰定四年
以國子生釋褐授泰和州判官江浙叅知政
事元末棄官遁居松江師泰倜儻濶達以文
學知名

黃玠字伯成慈谿人清苦力學慕吳興山水因卜居卞山下有弁山集及唐詩選纂韻錄子名野得爲湖學訓導孫名定仕至布政使敖繼翁字君善福州人寓居烏程築一小樓冬不爐夏不扇惟事經史吳下名士從之遊者甚衆元浙西平章事高彥敬薦授信州教授有文集二十卷趙子昂亦出其門

溫祥卿大同人精通陰陽術數之學元末避兵家于長興耿炳文與語竒之以儒士留贊軍事用其策分兵據要害設戰具爲守禦計後累官兵部尚書出爲四川布政使吳元年太祖命學士宋濂撰文贈之

牛諒字士良東平人仕至禮部尚書明朝典禮多所裁定後徙居烏程

徐賁字幼文本蜀之郟人後居毘陵賁工詩與高啓諸人齊名尤善寫山水張士誠居蘇辟爲從事固辭不就徙居烏程之蜀山洪武中以薦至京授給事中改監察御史陞廣西叅



政以政績卓異擢河南左布政使尋以征餉不時下獄死所著有北郭集

張羽字來儀溇陽人刺史戡之後元季領鄉薦授安定書院山長欲卜居吳興與徐賁詩曰吳興好山水子我盍遷居繞郭群峯列迴波一鏡如蚕餘卽宜稼樵罷亦堪漁結屋雲林下殘年共讀書遂家烏程之戴山洪武中召見仕至太常寺丞兼署翰林院同掌文淵閣事俄坐事謫戍嶺南未至召還自沉于江羽

博學詩文竒古與姑蘇高啓楊基徐賁齊名所著有靜居集

薛漢字宗海自永嘉徙居德清仕國子助教

孫一元字太初不知何地人放遊吳越稱太白山人或問何以太白稱曰我秦人也嘗栖太白之顛云人始知其爲秦人善說玄虛膚瑩渥顏望之若神仙詩才超放有唐大家風尤善談論名譽著江南與劉麟施侃友善因買田吳興僦居後林村娶施氏之女三年葬于

道場山歸雲庵之麓尚書劉麟誌其墓李夢
陽爲之傳

劉麟字元瑞南京廣洋衛籍江西安仁人弘治
丙辰進士歷官刑部郎中知紹興府中貴劉
瑾擅權逮下詔獄免官寓居長興累遷工部
尚書建立節慎庫宿弊盡刻宦途所至勲業
卓然至居林下蕭然一室清苦砥礪賦詩自
娛尺牘藻麗人爭寶之李默作坦上翁傳卒
年八十有八贈太子少保謚清惠

徐獻忠字伯臣華亭人孝友天至博學能文中
應天鄉試爲奉化令有聲稱其父病危執獻
忠手曰吾家三世不益丁得無繫于塋所哉
于是偕堪輿家卜地數百里內得身程之福
山葬其父遂家焉卒年七十七

湖州府誌卷之十一

鄉賢

行業 隱逸

儒業 方技

文苑 附列女

忠節

孝友

嶽降申甫以寧王室其德業文章青史紀
績者爭光日月矣至一行介節微顯闡幽
載筆者寧敢逸焉志鄉賢第十八

行業名賢

沈豐字聖通烏程人永平二年為郡主簿後為
零陵太守政尚寬平市無刑戮推賢尚能士
民感化在任數年有紫芝甘露之瑞

費汎字仲慮烏程人以孝廉除屯騎司馬遷蕭
令先教後罰視民如子沴銷和集蝗不入境
朝廷嘉之拜梁相

費鳳汎長子言不失典術行不越規矩安帝時
舉孝廉拜郎中除陳國新平長後宰堂邑義
行卓然

沈懷文字思明武康人大明中爲侍中上每燕
集在座咸令沉醉懷文獨持正不撓謝莊嘗
戒懷文曰卿每與人异亦何可以懷文曰

少來如此豈可一朝而變非欲异物性之所
不能耳三子淡深冲俱仕宦知名

沈演之字季真武康人家世爲將而演之折節
好學元嘉中累官侍中上欲伐林邑朝臣多
異同惟廣州刺史陸微與演之贊成上意及
林邑平賞賚獨厚演之好薦揚善類申理幽
抑而謙約自持文士以此推之卒贈金紫光
祿大夫謚曰貞

沈嶺之武康人性踈直仕宋爲丹徒令自以清

介不事左右浸潤日至遂鎖繫二方嘆曰得一見天子足矣武帝召問曰復欲何言答曰臣坐清所以獲罪帝問清何以獲罪曰無以承奉要人帝復問要人爲誰嶺之以手扳四面指後知其無罪除丹徒令

沈瑀字伯瑜武康人仕梁爲尚書右丞累遷潯陽太守瑀性剛直不阿嘗忤刺史蕭穎達在道爲人所殺衆疑穎達害之子續累訟不自布衣蔬食終其身

沈傅師德清人貞元十九年進士及第二十年登制科爲翰林學士後爲吏部侍郎傅師明于吏治所蒞以廉靜聞更歷二鎮無書入權門治家不威嚴而閨門自化

沈巖字叔寬德清人幼負器識善屬文大中祥符八年登甲科監洪州武寧茶鹽場兼領縣事吏畏其廉民懷其愛及卒貧不能葬太守滕元發爲葬于德清之末和鄉范仲淹爲志其墓

湖州府志卷之十一
葉清臣字道卿參之子也烏程人天聖二年擢
進士第詞章炳蔚馳譽當時父參爲本郡清
臣志欲省親以太常丞集賢校知宣州拜親
于郡鄉人榮之累官侍讀學士知河陽卒贈
諫議大夫清臣天資英邁遇事敢言數上疏
論天下事陳九議十要五利皆當世可行者
有文集一百六十卷

莫君陳字和中歸安人從安定先生學登嘉祐
二年進士與東坡爲同年家規嚴肅教子弟
以義方長子砥字彥平次子礪字彥輔砥嘗
知永嘉增養士之額士立生祠砥子伯虛守
溫州後守常州有瑞梅甘露秀麥嘉禾之祥
伯虛子濛以祖蔭補將仕郎兩魁法科累官
至工部尚書使金賀正旦錫宴濛以本朝忌
日不肯簪花聽樂金人不能奪知鄂州卒弟
漳登進士第淳熙初知仁和縣時有出入德
壽宮者怙勢專橫漳于宮門外候其出擒而
撻之高后怒孝宗爲降漳一秩子何登進士

孫烈知建昌府礪子伯鎔伯鎔三子濟汲沖
皆擢進士第濟尤知名

盧革字仲新德清人年十六登進士慶曆中知
龍州蠻入寇挂管騷動革經畫有方移書安
撫使杜杞請治諸郡城及易長吏之不才者
又言嶺外郡合四五不當中州一大縣無
城池甲兵之備將爲賊困宜度遠近併省之
後儂智高反九郡相繼不守一如草言累官
福建湖南轉運使復請外仁宗謂其廣宜

與嘉郡遂爲宣州以光祿卿致仕子秉帥涇
州乞解官終養神宗賜詔慰勉秉子知原法
原俱官于蜀有材名

劉述字孝叔歸安人登景祐三年進士爲侍御
史大夫新用事置條例司述與劉琦錢顛力
詆之又新制謀殺人自首者減等述奏長惡
惠姦不可啓乞更議波劾司馬光上疏申救
不報謫居江州族孫一止寧止俱仕有風節

俞汝尚字退翁歸安人登慶曆二年第爲益州

新繁令王安石當國慕汝尚清望欲擢為御
 史驛召至都下以疾力辭出為青州僉刺致
 仕歸與其妻素達生死汝尚病呼其妻曰我
 將死時二子在外妻曰我欲先去汝待諸子
 至未晚也其妻奄然而化汝尚自為文志其
 墓已而諸子至告曰我行矣即重沐坐脫孫
 莘老表其墓


劉誼字宜翁長興人中內科熙寧中持節南方
 請罷沉香減塩價四十餘事帝謂輔臣曰劉

誼論事有陸贄之風王安石銳意新法誼上
 疏極諫不便坐黜嘗從異人授出法遂隱三
 茅山不出文集三十卷奏議四十卷行世子

燾 見文苑傳

朱服烏程人父臨為秘書丞服登熙寧進士章
 惇荐為監察御史裏行服不以為意復因事
 舉劾之紹聖中除禮部侍郎坐坐與蘇軾游
 貶興國軍

劉珪字希范宜翁侄幼入太學鄒浩在諫垣以



直言遠竄後召還珏以書規切之京師傳誦
比韓愈諍臣論云靖康初極論天下事投中
書舍人陳十開端之戒建炎初以資政殿學
士同知三省樞密院事累疏陳守禦之策時
黨禁未解珏奏錄用其子孫有吳興集二十
卷奏議五卷

沈疇字德侔德清人第進士擢殿中侍御史嘗
投匭上十事言花石擾民土木敝國恩澤允
濫議論異同言甚剴切時蔡京興蘇州錢獄

欲陷章絰兄弟曰遣疇往代張茂直且陷以
美官疇至卽釋左澄者七百人嘆曰爲天子
耳目司而可傳會權要殺人以苟富貴乎遂
閱實平反以聞京大怒削三秩貶信州監酒
賈安宅字居仁烏程人年十八入太學二十二
廷試狀元及第建元中爲給事中封駁無所
顧忌歷任三朝累司文柄貢舉得人徽宗嘗
手詔獎諭之

史祺孫字大年安吉人政和二年登第以刑部


郎中出典章貢興國兩郡秦檜謀誅岳飛命
祺孫蒐其家所交游書祺孫悉焚之曰誣人
以求榮吾不為也坐是落職

沈與求字必先德清人政和間進士累官御史
中丞知無不言前代俱四百奏辭皆切直遷
吏部尚書兼翰林學士金人入寇贊高宗親
征時張浚視師以行府為名有旨以其所區
畫送尚書省與求不能平曰三省樞密院乃
奉行行府文書邪六年張浚復出視不告之

同列及得旨退而嘆曰此大事也吾不與聞
何以居位遂乞罷出知明州七年召見遷知
樞密院卒贈左銀青光祿大夫謚忠敏

沈瑄字次律德清人宣和間任兩浙漕運王師
收方臘瑄規畫應辦民以不擾後奉使至燕
雲金虜入寇郭藥師敗降瑄為藥師所執遣
同李鄴赴闕議和瑄首陳虛實乞召兩兵會
河北邀擊不聽乃著南歸錄以據忠憤

劉度字汝一長興人博覽強記汪藻一見異之



以制科薦登紹興己丑進士歷臺諫虜人叛
盟度條上三策不報孝宗卽位抗踈陳春秋
正始之道所著有傳言鑑古三十篇襍文三
十卷

沈該字約父歸安人父叔升兄調皆中第該以
上舍釋褐鄉人稱之曰三大夫紹興八年金
人在淮泗遣使請和該上疏論之召爲禮部
侍郎出知潼州召還除參知政事奏減吳興
丁身歲輸五分之四鄉人德之該邃于易學

撰小傳六卷以進高宗降詔褒獎有文集五
十卷襍著百篇

成無玷字士懋武康人舉進士調江山令宰相
李綱薦其有文武才畧召對除刪定官紹興
初金人犯順兼鄂岳安撫使無玷修築城壘
教閱士伍皆祖諸葛亮遺法高宗兩詔褒美
沈樞字持要安吉人舉進士調彭澤丞用葉義
問薦賜對首論君子小人之辨高宗嘉之除
監察御史累遷吏部侍郎會楊邦彥論葉衡

援樞爲證嘆曰此張說故事也豈可畏禍而欺心坐是獲譴

李彥穎字秀叔德清人紹興間登第累官叅知政事時因月食滂雨上疏抗諫時論賢之又內降多繳中官取旨發左藏封樁諸庫錢動億萬計彥穎言虞允文建此庫以備邊陛下方有志恢苟以供妄費失初意矣出知紹興府卒贈少保謚忠文

沈復字德之德清人紹興中進士爲太常主簿賜對便殿論古昔公卿身兼將相南巢之舉尹實視師東山之征周公專之漢之諸葛晉之杜預唐之李德裕皆居然儒者之風今士大夫口不談兵緩急孰可任者上悅除宗正丞後爲工部侍郎拜端明殿學士同知樞密院事時大臣專政同列承媚寡疑然中立每公會一揖之外無他言有所議論不爲少貶後以資政殿大學士出知荆南四川鎮江福州所至風采聳然卒謚簡肅真德秀序其集

湖州府志卷之十一
謂有古大臣蹇諤之風

葛邲字楚輔歸安人登進士累官刑部尚書紹
熙中進右丞相以少保致仕卒謚文定配享
廟庭邲在言路上疏皆切時弊居相位能明
法度進退人材處已以不欺爲本有文集二
百卷

倪思字正甫歸安人乾道二年進士立朝侃侃
知無不言仕孝宗請增置諫官同宰執宣引
乞召內外諸將訪問以知其才否止發緡錢

十五萬入內帑備犒光宗久不過重華宮思
十上疏會召嘉王思言壽皇欲見陛下亦猶
陛下之于嘉王上爲動容時李后預政思進
講姜氏會齊侯于濼多所諷諫上爲竦然以
言者論補外復召還禮部侍郎兼學士院首
論言路不通語刺侂冑又乞令太子開議事
堂侂冑與史彌遠擅權思攻之尤力卒謚文
節有經鉏堂集傳世

嚴震直字子敏烏程人有器識洪武二十一年

以稅戶至京陛見將授官丁內艱服闋來朝授河南布政司叅議留署通政司事十月改戶部即考實江西賦稅五百萬二十四年賜第于崇禮街復其家明年陞工部右侍郎六月拜尚書時營建方殷綜理周密調用夫六十萬開膳脂河移置五府六部凡事必入奏而後行二十七年命督天下多裁桑棗十二月降御史廣西龍州趙宗壽潛通安南奉使往諭開示利害國王及臣悚息聽命二十九

年復往廣西立接應法以通鹽販導南北二江南曰滄自蒼梧入海北曰湘自洞庭達于長江築堤治隄閘三十六旁通靈川千秋峽鑿象鼻石峰鑿灘磯以通舟車之路上喜曰老嚴成此巨功朕任得人矣三十年遷陞右都御史盡心刑獄昭雪居多詔蠲其家徭役力辭致仕居西塞山中末樂初以舊臣召見命往山西宣諭九月以疾卒于澤州祀鄉賢萬曆初褒遂國諸臣予特祠祀于郡有司春

秋致祭

陳援字以道烏程人洪武中以明經授長興學
訓導陞刑科給事中進大理丞推決明允嘗
上治平十疏尤工詩有 軒集孫秉中進士
及第第三人

潘長壽長興人洪武初舉人材授僉都御史以
直諫出知南雄府改潯州府政尚寬平溪峒
搖撞亦皆感化

聞良輔德清人洪武中由監生擢監察御史迂
大理寺少卿永樂中使暹羅瓜哇蘇門答刺
西洋古里等國宣揚朝廷威德諸番懾伏使
回擢廣東按察使

湯盤字日新烏程人洪武丙子舉人永樂中任
監察御史正色敢言百僚震竦嘗有武人暴
橫凌轢士類盤劾置于法京師肅然

凌晏如名安然以字行歸安人精六書永樂初
以楷書進授給事中陞金都御史平居接人
如坐春風及遇大事則毅然莫能奪有大臣

之風

王瑄字廷璧長興人永樂甲申進士任兵部主
事陞刑部郎中會囚越獄有重壁數十人不
去堂訊之曰王郎中必不枉我故諸司官咸
坐罪瑄獨免又卹刑直隸值歲祲賑卹流亡
修復崑山常熟水利累官按察使景泰辛未
入覲有命來朝官每運糧百石餉邊瑄以清
貧得減二十石稱貸以完遂引疾歸杜門課
子布素蕭然子俱成化丙戌進士

張翼字公輔歸安人永樂甲申進士志操端介
義不顧私涖劍南分司感夢啓枯骨而妖息
在雲南旱決冤獄而雨爲福建僉事時獻陵
監國特被簡命署監察御史事清法司獄多
得平反仕至河南左叅政子廉成化丙戌進
士官至都察院副都御史剛介有聞于時
柴震字景春烏程人永樂中由監生授兵科給
事中陞大理少卿廉介有爲卒之日家藏惟
圖書數帙而已

陸矩字仲輿歸安人以父斌戍阜城故為阜城
 學生宣德癸丑舉進士為刑部郎而歐崇者
 以妖術論死連坐者十餘人矩獨以寃議大
 理寺劾之當茲職會御史陳克昌論列其事
 領職如獄囚多瘐死者矩奏得寬恤正統十
 四年閩賊反大司馬金濂帥討以矩自副贊
 畫居多又與保定伯梁瑤獨當一面擒賊首
 鄧伯孫而釋其脅從論功陞金都御史出鎮
 保定又參贊延綏軍務卒于官賜祭舊制朝

朝臣四品無御葬蓋特恩也子璿以蔭授錦
 衣百戶珩登成化己丑進士官至應天府尹
 唐海字克容歸安人由鄉貢仕至刑部郎遷福
 州知府歷官三十年家無帑藏以清謹著聞
 方謨字昌言歸安人正統丁卯舉人任建德教
 諭以身率士不為章句之學提學御史陳選
 疏舉白代例格陞翰林孔目進檢討致仕
 閔珪字朝瑛烏程人天順甲申進士授監察御
 史累官都御史忤權璫李孜省左遷後為刑

部尚書與法司奏定開刑條例著爲法司刑
四禡無寃獄以太子太保加少保致仕年八
十二卒贈太保謚莊懿

潘蕃字廷芳烏程人客籍崇德因家焉登成化
丙戌進士歟歷中外巡撫四川摠督兩廣時
思恩土官岑濬與其弟岑猛仇殺踞其府治
公討平之征海南黎賊節制嚴整正德改元
晉刑部尚書忤逆瑾乞歸瑾復以私憾追攝
卽日就道與劉司馬大夏同謫戊甘肅瑾誅

賢
詔復原官卒年七十有九予祭葬祀崇德鄉

王濟字汝舟烏程人成化辛丑進士授南京兵
部主事所轄馬快船二千餘艘中官怙勢侵
沒無筭濟力裁省大司馬三原王公深器重
之忤銓司出知臨安府地多奇貨又夷民襍
居多盜濟廣得之遏其亂源盜用以息陞貴
州副使引疾致仕里居三領恩詔進階年八
十三卒

陳恪字克謹歸安人成化丁未進士廉靜勤密
出自天性歷官三十餘年清儉如寒士官至
大理寺卿時有永清玉潔之稱與劉麟竝負
雅望


常厚字元載長興人成化丁未進士居官廉介
常祿之外一無所取卒于湖之僧舍貧無以
殮太守何顯為治其喪

陸崑字如崑歸安人弘治丙辰進士授清豐令
有政聲擢監察御史嘗條陳十有二事多見

采納正德初疏劾逆瑾下詔獄拷掠幾死瑾
誅以原職致仕

陸嵩字如嵩崑弟弘治丙辰進士授羅源令改
南平政績太著歲旱與郡守孫公衍詣龍潭
致禱甘澍立應因冒雨行數里感寒疾與守
先後病卒民號呼如喪考妣立哀慕祠于城
南至今南平之民猶言之感泣云

嚴鳳字季祥歸安人績學砥行有希聖之志弘
治辛酉舉于鄉七上公車不第授分宜知縣



海州府志 卷之十一
累官鎮遠知府所至多惠政生平嚴于義利
家無一椽之築士大夫翕然師仰稱爲溪亭
先生云

蔣瑤歸安人弘治己未進士正德中出守揚州
會大駕南巡供費不貲中貴人誅求無厭瑤
以法自持以身庇民屢犯上怒竟以忠誠見
知累官工部尚書朝野倚重卒年八十有八
贈太子少保謚恭靖

陳震字聲伯德清人弘治壬戌進士授給事中
忤逆瑾下詔獄謫判六安瑾誅召還除刑部
主事督學山西以師道自任士習丕變有水
南集百卷行世

顧應祥長興人弘治乙丑進士歷官廣西僉事
勦海寇雷震等斬首千四百餘級巡撫雲南
經略二十餘疏更定郡縣衛所申明射禮陞
刑部尚書奏定嘉靖新例致仕歸卒年八十
三贈太子少保著惜陰錄人代紀授時曆法
測圓海鏡明文集要等書

施儒字聘之歸安人正德辛未進士授監察御史出按南畿以直道忤時落職嘉靖初詔起舊臣除廣西兵備僉事拓長樂城疏立惠來大埔二縣屢平黠寇進副使致仕歸閉關卻掃以著迹自娛

陳良謨安吉人正德丁丑進士生甫十月喪父孀母教育成立登第後母卒哀毀廬墓起儀制司郎中分校京■歷官貴州叅政以疾乞休恬淡寡欲睦族敦友力崇古道詩文典雅

有大家風卒年九十有一

沈塾字子居烏程人工部左侍郎贈官保端靖公沈節甫之父也中歲謝諸生業承養二人盤匱杖屨不階祿養而給郡大祿當事議平米價公以趙閱道富彥國故事爭民賴以甦築室踣地有藏金見役者告曰此公土也公曰然是吾土也而當其藏時非吾土也趨告縣不稍自私家法嚴肅進止以古禮自持端靖公顯至卿貳諸孫淮演成名進士未嘗少

假言笑時稱蘇章王烈之嚴峻太丘萬石之寬厚公兼有之卒年八十有三子葬祭

閔如霖烏程人嘉靖壬辰進士授庶吉士在太學教胄子以孝悌力行三典文衡累官禮部尚書卒贈太子少保

蔡汝楠字木德清人嘉靖壬辰進士八歲侍父怡軒聞講白沙之學十七登第除比部員外以親老乞改南侍養不附權相出守衡州著有政績巡撫河南時虜犯內地守禦有功晉

兵部右侍郎掌京營理戎政忤中貴改南工部右侍郎卒于官著有五經劄記樞筦集籌邊要畧等書詩文有唐大家風與歸安茅坤並名

張永明字鍾誠烏程人嘉靖乙未進士由縣令擢給事中彈壓權貴巡撫河南力抗強藩歷少宰總御史臺風紀振肅有顧佐之風引疾乞休賜馳驛還贈太子少保謚莊僖

潘季馴字時良烏程人嘉靖庚戌進士由九江

湖州府志 卷之十一
司理擢監察御史歷僉都御史摠理河道凡
二十七年飛雲之決開南陽新渠二百里以
避河之險清口之役合河淮之流以趨海後
銅瓦之決隄大名上流以防其潰功成晉官
保工部尚書改南兵部尚書中蜚語歸河又
決偃師起右都御史治河九年考滿歸踰年
卒著所河防一覽留餘堂集

沈節甫字以安烏程人嘉靖己未進士授禮部
主事時嚴分宜柄國欲邀至門下不應龍新
鄭掌部事貴倨不可一切獨引重公世宗方
崇玄教有旨建祠禁地令黃冠釐祝其間公
持不可遂引疾歸後起尚寶丞晉卿改南
張江陵奪情事起公卿臺諫疏留公嘆曰三
綱淪矣世道謂何擬乞身歸不得江陵毋入
京道出龍江送傾都邑公竟不出請致仕歸
江陵卒際南通政司叅議歷南大理寺卿刑
部右侍郎轉工部左侍郎請裁減織造停止
磁器省費無筭議治河衛陵尤稱上旨丁外

艱歸卒贈左都御史謚端靖子祭葬公奉子
居公家法惟謹三子淙淮演以淮入相贈戶
部尚書官保大學士

沈子木字汝楠歸安人嘉靖己未進士由當塗
令授工部主事癸亥虜薄通州鎗弓矢甲仗
數十萬大司空深倚重之守盱江多政績備
兵右江禦賊多方畧歷山西布政歲大饑賑
卹全活甚衆擢右副都御史督撫雁門三關
嚴屯守隱然北門鎖鑰論功賜金綺者三晉

兵部右侍郎丁外艱起補南太常卿遷通政
使特疏請正建文祀典卒贈兵部尚書予祭
葬謚

子四微煇其第三子也

錢慎字子中烏程人嘉靖己未進士少師事唐
一菴先生學究性命授兵部主事歷武選郎
移疾歸勁節高風師表一時著有通史經正
錄學術書詩文雄健宏壯有大家風卒年八
十有八從祀唐一菴先生

張天秩字子禮未明子嘉靖辛酉舉于鄉授中

書舍人遷水衡主政權閔荊州商人稱平晉
郎中會三殿大工勞瘁卒

陳行健字體乾嘉靖乙丑進士由庶常歷戶兵
刑工左右都給事中奏止放燈禁佛教停織
造䟽皆切直持大體陞太常少卿以遷葬還
補南太僕寺卿不赴卒

李樂字彥和隆慶戊辰進士令新塗潔已字民
拜給事中慨慷著大節科場䟽忤要津出
僉憲閩中轉少叅飄然致政里居二十餘年

隱然東山之望屢薦補璽卿不出公力崇古
道廉介自持直指彭應參顏其堂曰真君子
卒年八十有六

韓紹字光祖烏程人歸安籍年十六受知督學
薛方山先生登隆慶辛未進士令寧德豁百
年陷海之虛糧令長樂縛十年不獲之大盜
拜給事中忤江陵外轉蒙恩藩臬備兵府江
地多蒿棘猺獍竊伏烟瘴鬱蒸路絕行旅公
移檄寡商伐山開徑五十餘里遂成孔道至

今人呼韓公江韓公路逵行太僕卿致政里
居型家范俗力持古風萬曆己酉元旦恍惚
見天神降庭告曰若居官有七大陰功今先
報其二是年次子敬魁京闈庚戌第一人及
第年八十有一卒易箆之日自書一聯命納
棺中云六十餘載辛勤兩字傳家惟忠惟孝
八十二年委順寸心不疚何懼何憂蓋自誄
云

胡友信字成之天性孝友弟友儒爲富室沈隱
死沈以千金賄釋麾之不顧讎竟得雪登隆
慶戊辰進士授順德布袍糲食一介不取
寇犯香山率兵保障三載有甘露岐麥之瑞
治行稱海內第一卒于官舍殮不具特祠名
宦所著天一山稿行世其制舉義稱大家與
同郡茅坤崑山歸有光齊名

沈麟士字雲禎武康人幼而穎敏及長博通經史親亡居喪盡禮服闋語及輒流涕貧而織

儒業名賢

吳商字彥聲故彰人通五經及百氏之書晉太康初徵為東宮校書郎四方來從學者不可勝數歷官侍中

丘昂字公表吳興人家貧力學織畚以自給與其弟給事中夷太守矩竝以儒術著聞當時謂之三丘

沈麟士字雲禎武康人幼而穎敏及長博通經史親亡居喪盡禮服闋語及輒流涕貧而織

湖州府志卷之十一
三
簾誦書不輟鄉里號爲織簾先生隱居吳江山講授經徒各築舍依止其側語曰吳江山中有賢士教授如成市宋齊梁間屢徵不起著周易兩繫莊子內篇訓註易經禮記春秋尚書論語孝經喪服老子要畧數十卷天監中卒于家年八十五

太史叔明烏程人太史慈後通孝經論語禮記尤精三玄每講說聽者嘗百餘人爲國子助教郡陵王綸好其學及出爲江州刺史攜叔

明之鎮所至輒講授故江州士人多傳其學
沈文阿字國衛武康人父峻好學有文仕爲國子助教兼五經博士文阿少習父業研精章句梁簡文引爲東宮學士尋進國子博士兼掌儀禮一時典章多所裁定撰儀禮八十餘經典大義八十卷

沈重字子厚武康人性警敏專精覽博尤明詩左氏春秋梁天監中補國子助教五經博士討論五經校定鍾律隋開皇二年卒年八十

四文帝遣使祭以少牢贈開府儀同三司著
周禮義二十一卷儀禮義三十五卷禮記義
三十卷毛詩義二十八卷喪服經義五卷周
禮音一卷毛詩音十卷

沈洙字弘道武康人精識強記五經諸子史問
無不答仕梁爲尚書祠部郎大同中學者多
涉獵文史章句之習而洙獨研思經術吳郡
朱异會稽賀琛深敬禮之及异琛于士林館
講制旨義常使洙爲都講

沈不害字孝和武康人幼孤而修立好學陳天
嘉初除衡陽王府中記室參軍兼嘉德殿學
士自梁季喪亂至是國學未立不害上疏請
重建儒宮帝優詔畲之又表改定樂章詔使
製三朝樂歌詞八首合二十四曲行之後爲
國子博士領羽林監勅修五禮掌策文謚議
等事大建中位光祿卿通直散騎常侍兼尚
書左丞卒不害通經術善屬文雖博綜經典
而家無卷軸每製文操筆立成一如宿構著

五經儀一百卷文集十四卷

沈伯儀吳興人武后時爲太子右諭德嘗議郊丘配祀禮歷官祭酒文修館學士

芮曄字國器烏程人紹興戊辰進士雍容醜藉爲國子司業闡明理學朱晦翁器重之晚年詩益奇

敖繼翁字君善福州人其先徙居烏程邃于經術冬不爐夏不扇出入進止皆有常度湖之名士多出其門有文集二十卷

倪淵字仲深烏程人從敖繼翁授禮經易數之學平居動必以禮薦爲湖州教授著易說二十卷圖說序例各一卷

宇文公諒字子貞李齊榜進士少有操行通經史百氏平居必整衣冠端坐自扃曰晝有所爲暮則書之其不敢書卽不敢爲天地鬼神寔聞此言累官國子監丞日與諸生講說疊不倦著折桂集觀文集壁水集玉堂漫稿門人私謚曰純節先生

年應龍字成父烏程人父嶮宋大理少卿應龍
常補京官盡讓諸弟擢咸淳進士對策忤賈
似道調定城尉宋亡不仕父子自為師友討
論經學于六經皆有成說以文章大家稱于
東南號隆山先生

沈夢麟字元昭歸安人勤學勵行嘗為婺州學
正遷武康尹洪武間五司闕浙文衡一考會
試人服其公卒年九十三所著有花溪集

唐樞

許孚遠字孟中號敬庵德清人弱冠領鄉薦
唐一庵先生討究心旨銳然以絕學自任登
嘉靖壬戌進士權龍關關減無名之稅典銓
持正不阿以講學忤時引疾歸出僉海北巨
寇李茂等構倭爲難公單舸入島披誠開諭
茂爲感泣斬馘五百餘級擒倭酋莊西榕等
以降詔賜金轉武平道仍以忤時故謫判淮
甌甌商鑿河出守盱江尋視學關西兩以卓
異報完晉南少京兆歲大水力請內帑得萬
五千緡厚築蒲堤三輔永利巡撫八閩屬閩
白犯順廷議以封貢羈縻公抗疏爭之國藉
不辱晉貳留樞以兩官三殿災上回天轉治
二䟽拂衣歸年七十卒予葬祭贈南京兵部
尚書謚恭簡祀鄉賢又特祠于郡有司春秋
致祭所至尸祝蒲塘盱江三秦八閩白門咸
有崇祠

姚舜牧字虞佐烏程人領萬曆癸酉鄉薦不屑
制科案慕唐一菴許敬菴兩先生之學自號

承菴探道淵源屏去訓詁所撰四書五經疑問凡三易稿而成直與濂洛關閩爭席初令新興再令廣昌愛民如子造士如師戊申歲大稜力爲當事籌救荒之策賑濟不遺餘力刑家有范所著家訓世稱其真切過于顏氏劉中丞一焜揚直指崔俱造廬執弟子禮爲建羽翼六經坊于會城享年八十有五一日編別親故周遊城市謂刻知算盡至期沐浴肅衣冠端坐召子孫環立玉筋垂鼻而逝湯若士稱先生有正叔之正又不失伯子之和韓求仲爲先生草鄉賢呈云生平薄竺乾葱嶺之書化去得淨國蓮邦之正皆實錄也

文苑名賢

丘靈鞠烏程人好學善屬文宋孝殷貴妃薨鞠
獻挽詩有雲橫廣階閣雪深高殿寒之句帝
爲稱賞爲烏程令不得志泰始初坐事禁錮
太守褚彥回謂人曰此郡才士惟丘靈鞠及
沈勃耳乃啟明帝除太尉參軍

丘遲字希範靈鞠子善屬文靈鞠謂其氣似我
後爲中書侍郎辭采俊麗時有鏗鏘點綴映
媚似落花依艸爲永嘉太守至任下教曰貴

海州府志 卷之十一
郡控帶山海利兼水陸寔東南之沃壤一都
之巨會而曝背煦牛屢空于猷畝績麻治絲
無聞于壑巷其有耕灌不修桑榆靡樹遨遊
疆里酣脯卒歲什伍垂隣流宕忘返才異相
如而四壁徒立高慙仲蔚而三徑没人是非
盛世之民名都之俗革其習故務其本業維
新化理安育老穉雖謝文翁之正俗庶幾龔
遂之遺風

丘仲孚字公信靈鞠從孫也少好學靈鞠嘗稱

爲千里駒齊永明中爲國子生王儉曰東南
之美復見丘生爲山陰令甚爲聲稱百姓謠
曰二傳沈劉不如一丘仲字長于治劇適權
變號稱神明撰皇輿二十卷南宮故事一百
卷又尚書具事雜儀若干卷

沈約字休文郡人少家難勵志向學夜不釋
卷蔡興宗善其才引爲參軍記室事齊文惠
太子令典書記梁拜侍中約左目重瞳子聰
明過人聚書至二萬卷著晉書百卷宋書齊

紀梁武紀若干卷又撰四聲韻爲詩家金科
玉律云

吳均字叔庠有雋才作文出入人意表柳惲爲州
刺史辟爲主簿日與賦詩搯觚之士多効之
號吳均體著齊春秋東漢註史通續釋文等
書

姚察字伯審武康人六歲誦書萬餘言勵精學
業十二能屬文梁文帝在東宮時引以宣猷
堂聽講論難補宣明殿學士報聘于周江南

者舊咸相傾慕沛國劉津訪呂漢書疑事十
條並爲剖析皆有經據仕隋爲秘書丞修梁
陳二史及刪定朝式著漢書訓纂說林兩聘
玉璽建康三鍾等記文集二十卷子思廉仕
唐爲弘文館學士有文名

徐堅字元固長城人父齊聃有文學官崇文館
學士堅年十六沛王聞其才召見授紙戲賦
異之後舉秀才爲汾州叅軍武后時與徐彥
伯劉知幾張說修三教珠英書成遷給事中

湖州府志 卷之十一
充集賢院學士從上太山參定儀典加光祿大夫堅于典故多所諳識卒贈太子少師謚曰文著初學記四十卷行世子嶠開元中爲集賢院學士遷中書舍人自齊聘至嶠三世文翰侍從時人榮之

錢起字仲文長城人少能詩嘗寓驛舍聞人吟二句云曲終人不見江上數峰青天寶十年就進士試湘靈鼓瑟詩成結句未得遂以二語足之試官李暉批曰神句也遂中首選

秘書郎與郎士元齊名時人語曰前有沈宋後有錢郎大曆中爲翰林學士有詩集二十卷世

閩士和烏程橫山人皎然有舟行懷寄詩一首道場山下有歸雲庵其得名蓋出此詩云二月湖南春艸遍橫山渡口花如霰相思一日在孤舟空見歸雲三兩岸

沈千運吳興人元結篋中集云千運獨挺于流俗之中強振于已溺之後窮老不惑五十餘

年凡所爲文皆與時異故朋友後生稍見師
效能似類者有五六人焉嗚呼自沈公及二
三子皆以正直而無祿位皆以忠信而久貧
賤皆以仁讓而至喪亡異于是者顯榮當世
誰爲辨士吾當問之

沈亞之字下賢學于韓退之與皇甫湜以文往
來元和七年以書不中第李賀有詩送之後
登進士至太和初李同捷及乃授柏耆德利
行營諸軍計會使亞之以殿中侍御史爲其

判官會李祐平德州同捷窮請降耆乃馳入
滄誅同捷諸將嫉其功比奏攢詆之文宗不
得已貶耆循州司戶參軍亞之貶南康尉
梁耿蒼溪人劉長卿有茗溪酬梁耿別後見寄
二首長卿南謫睦州道出吳興與諸名士游
衍故梁有別後見奇之作

施昌言吳興人寶元間仕殿中侍御史嘗撰唐
文粹後序

姚鉉吳興人集唐文粹一百卷其序充雅可讀

蓋一代文士

孟郊字東野武康人少隱嵩山性狷介寡合爲詩有理致最爲韓愈所稱登進士調溧陽尉後隨鄭餘慶鎮興元爲參謀卒張藉謚曰貞曜先生

丘光庭烏程人列太學博士嘗丞縣令余蟾檄請編集吳興遺事羅隱有醉光庭詩

包融吳興人有才名制科擢第官至集賢學士予何起居舍人佶刑部侍郎皆以文名

齊故鄣人材名振當時與烏程包融會稽賀朝河南荆臣齊名號包萬荆賀

沈括字存中郡人嘉祐中進士累官太子中允提舉司天監置象器新曆轉太常丞論止籍民車禁蜀鹽嘗使契丹圖其山川風俗上之拜翰林學士括博學有文凡律樂醫十諸家皆有論著晚年繹舊所聞見有益於後學者筆而錄名夢溪筆談二十六卷

張先字子野烏程人康定進士知吳江縣詩格

清麗尤長于樂府有雲破月來花弄影浮萍
破處見山影隔牆送過鞦韆影之句時號張
三影李公擇守吳興招子野輩集于郡圃爲
六客之會晚歲優游鄉里常放舟釣魚爲樂
仕至都官即中年八十九卒有文集一百卷
惟樂府行于世

劉燾字無言長城人父誼

見官業傳

燾未寇遊太遊

與陳亨伯等以八俊稱元祐三年東坡知貢
舉稱其文章典麗遂中甲科本善書筆勢道

勁黃山谷謂江左又生羊欣矣在館中嘗被
召修閣帖十卷又註聖濟經有見南山集五
十卷

葉夢得字少蘊烏程人博學多識辨論不窮年
二十一中天聖四年進士累官翰林學士尚
書左丞致仕嘗築室弁山太陽塢曰石林精
舍遂號石林居士著易傳書傳春秋傳論語
考釋言孟子通議有文集奏議避暑錄巖下
放言家訓金石考等書

談鑰吳興郡人仕宋樞密院編修官撰吳興志
二十卷

趙孟頫字子昂歸安人宋宗室子博學工詩有
文名尤精于書翰圖繪人有得其片紙者寶
重不啻珙琪璧弱冠舉試中國子監註真州
司左參軍國亡家居益力于學至元間以程
鉅夫薦入朝世祖見其神采秀發甚寵異之
授奉訓大夫兵部郎中累遷翰林學士承旨
榮祿大夫贈魏國公諡文敏

程珣字晉甫烏程少有至行篤學能文官至婺
源知州民懷其德致仕歸老植三椰子庭扁
曰柳軒有柳軒退稿十卷行于世

楊復字遂初長興人少刻苦問學爲詩文尚奇
古旁通釋老二典嘗日抄唐韻數過得字義
之精永樂乙酉浙江鄉試第一丙戌登進士
拜監察御史累遷大理少卿決獄無冤人推
其能有土苴集五十卷

沈溥字洪濟烏程人力學敦行所交盡海內名

流為詩文不事剽襲而興致灑然所著有蘋
洲集雪川淵錄以鄉舉選授蘇州府通判嘗
上封事其畧曰養君德慎名器振兵威抑近
習斥異端裁冗費却貢獻決壅蔽皆切中時
宜談者壯之

施侃字邦直歸安人少穎悟不群長而肆力于
學經史之餘凡陰陽律呂兵十奇秘無不鈞
勘有得輒書于冊為古文雄渾深懋詩先氣
格意興清遠與山人孫太初游其詩才亦相

當嘉靖丙戌舉進士卒于京邸有菁山集藏
于家

駱文盛




茅坤字順甫別號鹿門歸安人進士宰丹徒有

政聲歷官廣 憲副有定冠切制義與德清
胡友信竝稱大家古文雄深雅健有司馬遷
之遺箸白華樓集行世具評輯史漢哀選唐
宋八大家諸書爲當世指南人稱爲鹿門先
生云

董份字用均烏程人進士由庶常歷官禮部尚
書古文詩詞書法竝有雄霸一世之槩世宗
玄修醮壇齋詞惟公與李春芳嚴訥稱上旨
著有泌園集行世

徐中行字子與長興人歷官學政副使詩文規
矩盛唐與王世貞宗臣等齊名稱中原七才
子云

文政重寅



丑